



**Նախագահ
Հենրի Բ. Այրիև**
Առաջին Նախագահության
Առաջին Խորհրդական

Տասանորդի օրհնությունները

Մեզ պատվիրաններ տալու Աստծո նպատակն է մեզ օրհնելը: Նա ուզում է մեզ տալ հավերժական կյանք՝ Իր բոլոր պարգևներից մեծագույնը (տես ՎևՈՒ 14.7): Մելետսիալ արքայությունում ընտանիքներով Նրա հետ հավերժ ապրելու պարգևը ստանալու համար մենք պետք է կարողանանք ապրել այդ արքայության օրենքներով (տես ՎևՈՒ 88.22):

Նա տվել է մեզ պատվիրաններ այս կյանքում, որպեսզի մեզ օգնի զարգացնել այդ ունակությունը: Տասանորդի օրենքը այդ նախապատրաստական պատվիրաններից մեկն է: Օրենքն այն է, որ մենք Տիրոջը տանք մեր ամբողջ եկամտուտի մեկ տասներորդ մասը: Այն բավականաչափ պարզ է և նույնիսկ երեխան կարող է հասկանալ դա: Ես տեսել եմ երեխաներ, որոնք եպիսկոպոսին են տվել տասանորդի ծրարը, որը պարունակում է նրանց վաստակած մետաղադրամների մեկ տասներորդը:

Օրհնություններից մեկը, որ գալիս է լրիվ տասանորդ վճարելուց, նույնիսկ ավելի բարձր օրենքով ապրելու հավատք զարգացնելն է: Մելետսիալ արքայությունում ապրելու համար մենք պետք է ապրենք նվիրաբերման օրենքով: Դրա համար մենք պետք է կարողանանք զգալ, որ մենք ամբողջությամբ և այն ամենը, ինչ մենք ունենք, պատկանում են Աստծուն:

Կան առնվազն երեք ուղիներ, որ վճարելով լրիվ

տասանորդ այս կյանքում, պատրաստում են մեզ *զգալու* այն, ինչ մենք պետք է զգանք, որպեսզի ստանանք հավերժական կյանքի պարգևը:

Առաջինը, երբ մենք վճարում ենք մեր տասանորդները Եկեղեցուն, մեր Երկնային Հայրը օրհնություններ է թափում մեզ վրա: Ցանկացած մարդ, ով հետևողականորեն վճարել է լրիվ տասանորդ, գիտի, որ դա ճշմարիտ է: Օրհնությունները երբեմն հոգևոր են և երբեմն աշխարհիկ: Դրանք տրվում են Տիրոջ ժամանակին և համաձայն այն բանի, ինչը Նա գիտի, որ ամենալավն է մեզ համար:

Երբ այդ օրհնությունները գալիս են, մեր հավատքը մեծանում է առ այն, որ Աստված է ամեն բանի աղբյուրը, ինչը բարի է մեր կյանքում: Ավելի հեշտանում է տեսնելը, որ նվիրաբերումը պարզապես ընդունում է ճշմարտությունը, որ Աստծո բոլոր ստեղծածները Իրենն են: Այն մեզ ստիպում է երախտագիտություն *զգալ*, որ Նա պահանջում է միայն 10 տոկոսը այն ամենի, ինչը Նա արդեն տվել է մեզ: Այսպիսով, մենք ավելի լավ ենք պատրաստվում ապրել նվիրաբերման օրենքով, երբ այն պահանջվի մեզանից:

Երկրորդը, մենք բոլորս, ովքեր հետևողականորեն վճարել ենք լրիվ տասանորդ, ավելի մեծ վստահություն ենք *զգում*, երբ խնդրում ենք Աստծուց այն, ինչի կարիքն ունենք մենք և մեր ընտանիքները: Նա խոստացել է նույնիսկ ավելի շատ օրհնություններ, քան

մենք կարող ենք ընդունել, երբ մենք հավատարիմ ենք լինում մեր տասանորդները վճարելու մեր ուխտին (տես Մաղաքիա Գ.10): Այսպիսով, տասանորդի մեծագույն օրհնություններից մեկը վատախոսությունն է ապագայի հանդեպ: Ինչ հանգամանքներում էլ որ մենք լինենք, ամեն ինչ կկարգավորվի լավագույն ձևով: Մինչ մենք պահում ենք մեր խոստումները, Նա կպահի Իրենը: Խաղաղության զգացումը լրիվ տասանորդ վճարելու մեծ օրհնություններից մեկն է: Նրանք, ովքեր պահել են տասանորդի պատվիրանը, կարող են վկայել, որ խաղաղության օրհնությունը իրական է և թանկարժեք:

Երրորդը, նրանք, ովքեր տասանորդ են վճարում, *զգում են*, որ իրենց սերը մեծանում է Աստծո և Աստծո բոլոր զավակների հանդեպ: Այդ մեծ սերը գալիս է հասկացողությունից, թե ինչպես է Հայրը օգտագործում բաները, որոնք մենք տրամադրում ենք՝ օրհնելու մարդկանց այս աշխարհում և հավերժության համար:

Իր լիազորված ծառաների միջոցով Նա ծախսում է տասանորդները մեծ հոգատարությամբ: Տասանորդ վճարողն օգնում է Տիրոջը տաճարներ կառուցել, որտեղ ընտանիքները կարող են հավերժորեն կենքվել: Տասանորդ վճարողը օգնում է Նրան ավետարանը տանել ամենուր գտնվող մարդկանց: Տասանորդ վճարողն օգնում է Նրան թեթևացնել քաղցն ու տառապանքը Նրա իսկ ճանապարհով՝ Նրա ծառաների միջոցով: Այդ ծառաներից յուրաքանչյուրը կարող է ձեզ ասել, թե ինչպես է սերը մեծանում, քանի որ տասանորդն օգտագործվել է մարդկանց օրհնելու համար: Եվ նույնը կարող է հավատարիմ տասանորդ վճարողը:

Մինչև տասանորդի կարգավորումը դեռ երկար ժամանակ կա: Ես աղոթում եմ, որ դուք և ձեր ընտանիքը այժմ սկսեք ծրագրել և պատրաստվել որակվելու օրհնությունների համար, որոնք Աստված թափում է բոլոր նրանց վրա, ովքեր կարող են հայտարարել Նրան, որ իրենք լրիվ տասանորդ վճարողներ են:

ՈՒՍՈՒՑԱՆՈՒՄ ԱՅՍ ՌՈՂԵՐԶԻՑ

- Երբեմն որոշակի սկզբունք սովորեցնելու լավագույն եղանակը այն ցուցադրելն է (տես *Teaching, No Greater Call* [1999], 164): Խնդրեք ընտանիքի անդամներից մեկին ցուցադրել, թե ինչ է իրենից

ներկայացնում մեկ տասներորդը: Նա կարող է դա ցուցադրել 10 առարկաներից բաղկացած խմբից առանձնացնելով մեկ առարկան: Վերջում հրավիրեք ընտանիքի անդամներից մեկին ցույց տալ, թե ինչպես են լրացնում տասանորդի թերթիկը:

- «Նրանք, ում դուք սովորեցնում եք, օգուտ կքաղեն միմյանց մասնակցությունից» (*Teaching, No Greater Call*, 63): Հրավիրեք ընտանիքի անդամներին ասել, թե իրենց կարծիքով ինչ ի սկստի ունի Նախագահ Այրիսգը, երբ ասում է «*զգալու* այն, ինչ մենք պետք է զգանք, որպեսզի ստանանք հավերժական կյանքի պարգևը»: Կարող եք քննարկել երեք ուղիներ, որոնց միջոցով տասանորդ վճարելը նախապատրաստում է մեզ զգալու այն, ինչ մենք պետք է զգանք Աստծո օրհնությունները ստանալիս:

ԵՐԻՏԱՍԱՐԴՆԵՐ

Բավականաչափ գումար

Ֆաբիանո դոս Սանտոս դա Սիլվա

Ես հանդիպեցի միսիոներներին, երբ 17 տարեկան էի: Այդ ժամանակ ես և ավագ եղբայրս միասին էինք ապրում: Մեր մայրը մահացել էր մեկ տարի առաջ և կյանքը դժվար էր: Երբ միսիոներները սովորեցրեցին ինձ, ես կարող էի տեսնել, որ Եկեղեցին էր այն միակ բանը, ինչը ես միշտ փնտրել էի: Բայց իմ ընկերների ազդեցությունը խանգարեց ինձ կիրակի օրերը Եկեղեցի գնալ:

Մի անգամ ես գնացի շաբաթվա ընթացքում Եկեղեցու միջոցառման: Ինձ մեծապես ուրախացրեց բոլոր երիտասարդների ծիծաղելն ու խաղալը տեսնելը: Միսիոներները երիտասարդների հետ միասին, օգտվելով այդ հնրավորությունից, ինձ ավետարանի դաս սովորեցրեցին, և ես շատ լավ եմ զգում, որ որոշեցի մկրտվել:

Բայց նույնիսկ Եկեղեցուն միանալուց հետո ես դժվարությունների հանդիպեցի: Ես քաղաքի այդ մասում Եկեղեցու միակ անդամն էի և ապրում էի հավաքատնից շատ հեռու: Իմ ոչ անդամ ընկերները այլևս ցանկություն չունեին ինձ հետ շփվելու: Երբ ես ինձ միայնակ զգացի, ես աղոթեցի և զգացի Տիրոջ սերը:

Ամեն ամիս ես ստանում էի մի փոքր գումար իմ

մոր թողած դրամական միջոցներից: Դժվար էր այդ-
քան քիչ գումարով ինքս ինձ ապահովելը: Բայց ես
վճռեցի հնազանդ լինել: Ես վճարեցի տասանորդ և
նաև պետք է վճարեի սեմինարիայի և Կիրակնօրյա
ժողովների ճանապարհածախսը: Ես չէի հասկա-
նում, թե ինչպես, բայց ամսվա վերջում ես տեսնում
էի, որ գումարը բավականացրել է այդ ամենի
համար:

Ես գիտեմ, որ ես օրհնվել եմ տասանորդ վճարե-
լով: Այս պատվիրանին հնազանդվելը օգնել է ինձ
ստանալ ավելի ամուր վկայություն, միսիա ծառայել
և օրհնություններ ստանալ, ինչն օգնել է ինձ ամ-
րացնել նոր անդամներին, ովքեր դժվարություն-
ների են հանդիպում:

ԵՐԵՒԱՆԵՐ

Ես կարող եմ տասանորդ վճարել

Տասանորդ վճարել նշանակում է մեր վաստա-
կածի 10 տոկոսը տալ Տիրոջը: Պատկերացրեք
տարբեր աշխատանքներ կատարող երեք երեխա-
ների: Ենթադրենք, որ մեկը վաստակում է 100 դրամ,
մյուսը վաստակում է 200 դրամ, և երրորդը վաստա-
կում է 300 դրամ: Գրեք, թե որքան կլինի յուրաքան-
չյուր երեխայի տասանորդը:

Բռնուս հարց. Ո՞վ այս տասանորդ վճարող-
ներից կստանա ամենաշատ օրհնությունները:
(Հուշում. Տես Նախագահ Այրինգի ուղերձի վերջին
պարբերությունը):



Ամրացնել ընտանիքները սեփական ուժերին վստահելու միջոցով

Ուսումնասիրեք այս նյութը և, ինչպես հարմար է, քննարկեք այն քույրերի հետ, ում այցելում եք: Օգտագործեք հարցերը, որոնք կօգնեն ձեզ ամրացնել ձեր քույրերին և դարձնել Սփոփող Միությունը ձեր իսկ կյանքի ակտիվ մասը:

Սեփական ուժերին վստահելու կարողությունը զարգացնելը՝ մեր անձի և մեր ընտանիքների համար հոգալու կարողությունը, յուրաքանչյուր քրոջ պարտականությունն է: Մենք դարձել ենք ինքնավստահ, սովորելով սիրել աշխատանքը, ոգեշնչում փնտրելով ինքներս մեզ ապահովելու համար լավագույն միջոցներ գտնելիս, և աշխատելով ընտանիքի անդամներով ապահովել հիմնական պահանջները:

Երբ մենք ինքնավստահ ենք, մենք օգտագործում ենք մեր օրհնությունները և միջոցները՝ խնդիրների համար պատրաստվելու և դրանցից խուսափելու համար: Ինքնավստահությունը, ինչևիցե, մեծանում է, երբ մենք աղոթում ենք քաջության համար՝ խնդիրներին հավատքով դիմակայելու համար, որոնք անշուշտ պիտի գան: Ինքնավստահությունը նաև մեզ հնարավորություն է տալիս պահել ուրիշների համար հոգալու մեր ուխտը:

Սփոփող Միությունում մեզ սովորեցնում են ինքնավստահության սկզբունքներ և հմտություններ: Քույրերը կարող են սովորել ծախսերի ծրագրման, պարտքի նվազեցման, աշխատանքի որակավորումների, սուրբ գրությունների և ավետարանի, ուրիշներին կարդալ և

ուսումնասիրել սովորեցնելու, տեխնոլոգիայի, ֆիզիկական առողջության, օգտակարության, կախվածության կանխման և առողջացման, հասարակական և հուզական առողջության, հիվանդության կանխման, այգեգործության, սննդի արտադրության և պահեստավորման, ծայրահեղ անհրաժեշտության պատրաստվածության և շատ այլ բաների մասին, որոնք կօգնեն մեզ դառնալ ինքնավստահ:¹

Ջուլի Բ. Բեքը՝ Սփոփող Միության գերագույն նախագահը, բացատրում է, որ «մեր սեփական և ուրիշների կարիքների համար հոգալը վկայում է այն մասին, որ մենք Տեր Հիսուս Քրիստոսի աշակերտներն ենք: . . . Երբ[իմ սկեսուրը] անցյալ տարի հանկարծակի մահացավ, նա վկայություն թողեց իր ինքնաապահով կյանքի մասին: Նա ուներ գործող տաճարային երաշխավորագիր և լավ օգտագործված սուրբ գրություններ և ուսումնասիրման ձեռնարկներ: Մենք սիրով բաժանեցինք կաթսաները, թավաները և ափսեները, որով նա հազարավոր ճաշեր էր պատրաստել: Նա մեզ թողել էր վերմակներ, որոնք պատրաստել էր հին հագուստից: Նա հավատում էր հին ասացվածքին. «Օգտագործիր, մաշեցրու, բավարարվիր կամ

առանց դրա գոյատևիք»: Մենք տեսանք ուտելիքի պաշարը, որը նա աճեցրել էր, պահպանել և պահեստավորել: Մասնավորապես հուզիչ էին նրա հաշվետարական գրքերը, որոնցում նա հավատարմորեն գրանցել էր իր ծախսերը տարիներ շարունակ: Քանի որ նա հեռատես կյանք էր վարում, նա որոշ չափով գումար էր թողել, որը տնտեսել էր արտակարգ իրավիճակների համար, և նա չէր թողել ոչ մի պարտք: Ամենակարևորը, նա ուրիշ շատերի ուսուցանել էր ու ոգեշնչել այն հմտությունները, որոնք ինքը ձեռք էր բերել իր հավատարիմ կյանքում»: ²

Սուրբ Գրություններից

Հովհաննես ԺԳ.34–35, Հակոբոս Ա.27, Մոսիա 4.26, Վարդապետություն և Ուխտեր 29.34–35, 38.30, 44.6

Մեր պատմությունից

Սփոփող Միության քույրերը միշտ մասնակցել են անհատներին ֆիզիկապես և հոգևորապես փրկելու աշխատանքին: Ամեն շաբաթ, երբ Նավուի Կանանց Սփոփող Միությունը հանդիպում էր, քույրերը տեղեկացնում էին կարիքի մեջ գտնվող մարդկանց մասին: Գումարի, ապրանքների, տաղանդների և ժամանակի

նվիրատվությունները առատորեն տրվում էին կարիքավորի հոգսը թեթևացնելու համար: Տառապանքը թեթևացնելու այս հիմնական աշխատանքը շարունակվեց՝ սերնդե սերունդ լինելով Սփոփող Միության աշխատանքը:

Երբ Մրբերը հասան Մոլթ Լեյքի հովիտ, Նախագահ Բրիգամ Յանգը (1801–77) խորհուրդ

տվեց քույրերին աջակցել նրանց, ովքեր կարիքի մեջ են և հմտություններ սովորեցնել, որոնք նրանց թույլ կտան հոգալ իրենց իսկ կարիքները: Նա ասել է. «Սովորեք պահել ինքներդ ձեզ. կուտակեք հացահատիկ և այլուր, և պահեք այն նեղ օրվա համար»:³ Քահանայության ղեկավարման ներքո՝ Սփոփող Միությունը շարունակում է սովորեցնել

ինքնավստահություն՝ ընտանիքն ապահովելու և անձնական արդարություն ու զթության գործեր՝ Քրիստոսի մաքուր սիրտ արարքներ քաջալերելու համար:

ՀՂՈՒՄՆԵՐ

1. *Stu Handbook 2: Administering the Church* (2010), 9.4.2.
2. Julie B. Beck, “The Welfare Responsibilities of the Relief Society President,” *Basic Principles of Welfare and Self-Reliance* (2009), 6.
3. *Teachings of Presidents of the Church: Brigham Young* (1997), 231.

1. Ինչպե՞ս ես կարող եմ օգնել իմ քույրերին և նրանց ընտանիքներին զարգացնել ինքնավստահություն:

2. Ինչպե՞ս ես կարող եմ մեծացնել իմ սեփական ինքնավստահությունը:

Լրացուցիչ տեղեկության համար, այցելեք www.reliefsociety.lds.org: